

ახალი

# სიტყვა

№ 6.

ორკვირეული ჟურნალი.

№ 6.

### შემდეგი № გამოვა 15 ივნისს.

მიიღება ხელის მოწერა სასულიერო მთავრობისაგან დამოუკიდებელ ორკვირულ ჟურნალ „ახალ სიტყვაზე.“ ჟურნალის მიზანია ჩვენის ეკლესიის ცხოვრების განახლება წმ. სახარების ნიადაგზე და ბრძოლა უსამართლობასთან და ფარისევლობასთან სასულიერო უწყებაში.

ხელის მოწერის ფასი ნახევარის წლით ცხრა მანეთია. ცალკე ნომერი ოთხი აბაზი. რედაქცია სთხოვს სამრევლო საბჭოებს,

შეგნებულ სასულიერო და საერო მორწმუნე პირთ დახმარება აღმოუჩინონ მას ჟურნალის გამოწერით და ერთ დროული შემოწირულობით სარედაქციო ფონდისათვის.

ფული მიიღება რედაქციის მოლარე დეკანტონ თოთიბაძესთან: ტფილისი, სიონის ტაძრის ეზოში.

სარედაქციო მასალები და წერილები უნდა გამოიგზავნოს სარედაქციო კოლლეგიის რწმუნებულ მღ. ქრ. ცაცქიშვილთან: ტფილისი, კაბგეროვის ქუჩა, № 47. რედაქცია იმავე ქუჩაზე: № 51.

## საქართველოს დამოუკიდებლობის აქტი.

„მრავალ საუკუნეთა განმავლობაში საქართველო არსებობდა, როგორც დამოუკიდებელი და თავისუფალი ხანელმწიფო.“

„შეთვრამეტე საუკუნის დასასრულს ყოველ მხრით მტრისაგან შევიწროვებულ საქართველო თავისი ნებით შეუერთდა რუსეთს იმ პირობით, რომ რუსეთი ვალდებული იყო საქართველო გარეშე მტრისაგან დაეცვა.“

„რუსეთის დიდის რევოლუციის მსვლელობამ რუსეთში ისეთი შინაგანი წყობილება შექმნა, რომ მთელი საომარი ფრონტი სრულიად დაიშალა და რუსის ჯარმაც დაუტევა ამიერკავკასია.“

„ღარჩნენ რა თავისი ძალღონის ამარად, საქართველომ და მასთან ერთად ამიერკავკასიამ თავი იღვეს თავს საკუთარი საქმეების გაძლოსა და პატრონობა და შესაფერი ორ-

განობებიც შექმნეს; მაგრამ გარეშე ძალთა ზედგავლენით ამიერკავკასიის ერთა შემაერთებელი კავშირი დაირღვა და მით ამიერკავკასიის პოლიტიკური მართიანობაც დაიშალა.“

„ქართველი ერის დღევანდელი მდგომარეობა აუცილებლად მოითხოვს, რომ საქართველომ საკუთარი სახელმწიფოებრივი ორგანიზაცია შექმნას, მისი საშუალებით გარეშე ძალის მიერ დაპყრობისაგან თავი გააღადირჩინოს და დამოუკიდებელ განვითარების მტკიცე საფუძველი ააგოს.“

„ამისდა თანახმად საქართველოს ეროვნული საბჭო, 1917 წლის 22 ნოემბერს არჩეული, საქართველოს ეროვნულ ყრილობის მიერ, დღეს საყოველთაოდ აღსადგებს:“

1) ამიერიდან საქართველოს ხალხი უფლებათა მატარებელია და საქართველო სრულუფლებიანი დამოუკიდებელი სახელმწიფოა.

2) დამოუკიდებელ საქართველოს პოლიტიკური ფორმა — დემოკრატიული რესპუბლიკაა.





3) საერთაშორისო იმპიანობაში საქართველო მუდმივი ნეიტრალური სახელმწიფოა.

4) საქართველოს დემოკრატიულ რესპუბლიკას სურს საერთაშორისო ურთიერთობის ყველა წევრთან კეთილმეზობლური განწყობილება დაამყაროს, განსაკუთრებით კი მოახლოვრე სახელმწიფოებთან და ერებთან.

5) საქართველოს დემოკრატიული რესპუბლიკა თავის საზღვრებში თანასწორად უზრუნველყოფს ყველა მოქალაქის სამოქალაქო და პოლიტიკურ უფლებებს განურჩევლად ეროვნებისა, სარწმუნოებისა, სოციალურ მდგომარეობისა და სქესისა.

6) საქართველოს დემოკრატიული რესპუბლიკა განვიხარების თავისი ფაღვალ ასპარეზზე გაუხსნის მის ტერიტორიაზე მოსახლე ყველა ერს

7) დამფუძნებელ კრების მოწვევამდე მთელის საქართველოს მართვა-გამგეობის საქმეს უძღვება ეროვნული საბჭო, რომელიც შევსებული იქნება ეროვნულ უმცირესობათა წარმომადგენლებით, და დროებითი მთავრობა პასუხისმგებელია საქმის წინაშე“.

### თავისუფალი საქართველო.

26 მარტს საქართველოს ეროვნულმა საბჭომ გამოაცხადა საქართველოს დამოუკიდებელი დემოკრატიული რესპუბლიკის დარსება. ჩვენ, საქართველოს თავისუფალ ეკლესიის წარმომადგენელი, წრფელის გულით ვლოცობთ ქართველების მხიარულებას და ხმა მალა ვიტყვი: გაუმარჯოს თავისუფალ საქართველოს! დიერთა მრავლემიერ ჰყოს საქართველოს თავისუფალი დემოკრატიული რესპუბლიკა!

ეს საისტორიო აქტი ავადებს ყოველ ქართველს ფიზიკად ექსახუროს გონებით, ქონებით და მთელის თავის სიცოცხლის განწირვით საქართველოს თავისუფლების განმტკიცებას. მხოლოდ, მტრის დასამარცხებლად საჭიროა სასოება ღვთისა და წინაწინავე განმსჯელება იმ რწმენით, რომ მტერი უნდა დაეპარცხოთ უნდა შეგუბიგდეთ იმ აზრს, რომ არაფერ არ არის მოვალე საქართველო დაცვის, გარდა ქართველ ხალხისა. გარნა ისეთ მომართათვის, რომელთა შეგება და სინდისი არ აღმოაჩნდებათ იბრძოლონ სამშობლოსათვის, უნდა შემოდებულ იქნეს ისეთივე სასჯელი, როგორც გერმანიის ან სხვათა პირველი ხარისხიან ჯა-

რებშია შემოდებული. არ კმარა მტრის ტყვეობით დანგრეხალ მომარს, თოფით სხლისავენ გაქცეულს უძახო: მხნავო, გარე არ ივარებს, დაბრუნდი უკან, თორემ პარტიიდან გამოგრიცხავთო. ჩვენმა მთავრობამ, თუ უნდა რომ დირსი იყოს ამ სახელისა, უნდა შეშრილოს ჯარში სასიკი დისციპლინა, რადგანაც უამისოთ, რაც ქვეყანა ტრიალებს, ომი არავის მოუგია, სიკვდილით დასჯა ლაჩრად უკან გამოქცეულს ეომარს, და თოფისა და ყოველივე სახაზინო ნივთების ქურდს! თორემ რა ჯარია ის ჯარი, საცა ერთი და ორი თავგანწირვთ სდგას თავის ჰოხიციაზე, ოთხი და ხუთი კი სახლში მიიპარება თოფით პატრონებით და სხვა ნაქურდულ სახაზინო ნივთებით დატვირთული. შევიბრალოთ ის პატროსანნი და შეგნებულნი მომარნი, რომელნიც არ ზოგავენ თავის სიცოცხლეს და უკან გამოსაქცევად არ ემზადებიან. დიდმა და პატარამ, კაცმა და ქალმა მივილოთ მონაწ. საქ. თავისუფლების დაცვაში და მაშინ დარწმუნებით შეგვიძლია ვთქვათ, რომ საქართველოს რესპუბლიკა დღეგრძელი იქნება.

### რესპუბლიკა და ჩვენი ეკლესია

2

წინა წერილში\*) ჩვენ აღვნიშნეთ, რომ იმი-სდა მიუხედავად, საერთოდ ამიერ-კავკასიის ინტერნაციონალური რესპუბლიკა დაწესდება ჩვენში საბოლოოდ თუ კერძოდ საქართველოს ფარგლებში ეროვნული-ქართული რესპუბლიკა, ეკლესიისთვის შედგეი ერთი და იგივე იქნება: ეკლესია გამოეყოფა სახელმწიფოს, როგორც დამოუკიდებელი კავშირი მორწმუნეთა, და სახელმწიფო ეკლესიისგან მზრუნველობითს ხელს აიღებს.

კონკრეტულად ეს გაყოფა-ჩამოშორება იმაში გამოიხატება, რომ სახელმწიფო ეკლესიის ქონებრივად აღარ დაეხმარება და სამაგიეროდ ეკლესია უარყოფს იმ რთულ პასუხის საგებ საქმეთა წარმოებას, რომელსაც მეტრიკაცია ჰქვია. ამნაირად თუ მღვდელი დაპკარგავს თვეში რაღაც ოცდა ორ მანეთსა რომელსაც დღეს ჯამაგირი ეწოდება, სამაგიეროდ ის მოელის არსებით დაუბრუნდება და

\*) „ახ. სიტყვა“ № 5.





შეუდგება თავის პირდაპირ მოვალეობას— მწყემსობას და ამ შემთხვევაში ვირთვინ და- აყიდრებს მას, აქაო და შენ ხაზინიღნ ჯამაგირი გედღევა (რაში?) და ვალდებული ხარ მუქთადაც მემსახუროო. არა! „რომელნი იგი ზაგინსა (საკურთხეველსა) ჰმსახურებენ, ზაგინისაგან ჰსკამიან“ (1 კორინთ. 9, 13). ამ ზომის ჯამაგირი ჯერ კიდევ იაფობის დროს არაფერს წარმოადგენდა და დღევანდელს ეკონომიურ პირობებში ხომ ერთ ხეირიან საუზმესაც არ ეყოფა. მორწმუნეთა თავისუფალ კავშირის ერთეულნი კი სამრევლოების სახით, უეჭველია, იმდენად უზრუნველ ჰყოფენ თავიანთ მოძღვრებსა, რომ ყოველ შემთხვევაში ამ სათაჯლო ჯამაგირის უქონლობა მაინც არ დატყობთ ჯერ საფრანგეთშიაც კ, სადაც მშრომელთა ზოგჯერობა კავშირმა რელიგიურ დოკუმების ნაკვალავს გონების კულტი გამოაცხადეს, იქამდინ მოწესრიგებულთა ეს საქმე, რომ იქაურ სამღვდლოებსა ქონებრივად უზრუნველყოფის მხრივ, გერმანიის სამღვდლოების შემდეგ, მეორე ადგილი უჭირავს ქვეყნიერობაზედ.


და ჩვენში ხომ საქმე ამ ზომიდევ არ გამწვავებულია და არც აწი გამწვავდება. ის ხანა რევოლიუციონურ განადგურებისა, რომელიც შეიძლება იყოს ჩვენს ეკლესიას უარყოფით შეხებოდა, ჩვენ უკვე მშვიდობიანად გავიარეთ, რადგანაც სწორედ იმ მომენტში აღდგენილ იქმნა ქართულ ეკლესიის დამოუკიდებლობა, რამაც ძლიერ ხელი შეუწყო ქართველ ერის და სამღვდლოების მეგობრობის განმტკიცებას. ჩვენი ერი ბუნებით მორწმუნეა და მას დღესაც ისე სჭირდება ეკლესია და მისი იერარქია, როგორც ათას წლის წინეთ, და თუ მან უკანასკნელ საუკუნის განმავლობაში რაიმე ეკლესიურს ზურგი აქცია, ეს იყო მხოლოდ ის უსულ-უგულო მიუროკრატიზმი, რომელიც საერთოდ ყოფილ რუსეთის იმპერიაში და განაკუთრებით ჩვენში საეკლესიო საქმეებს ხელოვნურად შეაკაწრებდა მონარქიულმა სინოდმა. პირიქით, გროვული სარწმუნოება დამახისი თ ბელი სტიქიაა ჩვენის ერის ბუნებისა და ეკლესიის მუდამ განსაკუთრებითი ეროვნული მნიშვნელობა ჰქონდა ჩვენს ისტორიაში. მეტადრე ვხვდებით, როცა ჩვენი პოლიტიკური სახე მხოლოდ ისტრება და მრავალზე უმრავლეს შემთხვევათაგან არის დამოკიდებული, ურწმუნო თამეზიც კი დარწმუნებულნი უნდა იყვნენ, რომ დამოუკიდებელ ქართულ ეკლესიას დიდი ის-

ტორიული როლი უთევს წინა: ის უნდა იყოს და იქნება კიდევ გუშაგი და ბურჯი ქართველ ერის თვითშემეცნების, ერთობის და პოლიტიკურ დამოუკიდებლობისა. ასეთი ძლიერი ძარღვი ჩვენის ერისა არ დადნდება, სანამ არ გაჰქრება თვით ეს ერი, და სახელმწიფოს უღელისაგან განთავისუფლება მას უფრო განაპტიკებს, ინტენსიურ მუშაობაში შეაკავშირებს უღელებს და თვითმოქმედების ასპარეზს გაუფართოვებს.

ამხარად ეკლესია, როგორც სამწყსო, და მისი სამღვდლოება, როგორც მწყემსნი, არც უფლებრივ, არც მორალურად და არც ქონებრივად უარეს შემთხვევაშიც არასწავაგებენ სახელმწიფოაგან ჩამოშორებით, მოგვებით კი შეიძლება ბევრი რამე მოიგონ იმისა და მიხედვით, რა ღირებულებების და შეხადგენლობის იქნება მესვეური სამღვდლოება. წააგებენ მხოლოდ და მხოლოდ საერო სასწვლ ბღების სჯულის მასწავლებელნი, რომელნიც სახაზიო ჯამაგირმა სამწუხაროდ მოსწყვეტა და მოაშორა სამღვდლოებას, რომელსაც სწორედ ეხლა განსაკუთრებით ესაქიროება ისეთი განათლებული და ნიჭიერი თანამოღვაწენი, როგორც არის დიდი უმეტესობა სჯულის მოძღვრთა, — და წააგებენ აგრეთვე ადმინისტრაციულ თანამდებობის პირნი და საეკლესიო დაწესებულებათა მობეღენი, რომელთაც ხალხთან ქონებრივი ურთიერთობა არა აქვთ და დღემდე ხაზინა ინახავდა. მაგრამ პირველთა შესახებ მხოლოდ ერთი ითქმის: „ზოგი ქირი მარგებელია!“ ვისაც ანაფორა და ჯვარი რწმენით უტვირთნია, მისთვის ეკლესიის კარგი მუდამ ღიაა. მხარში ამოგვიდგნენ, ერთად ვწიოთ ქაბანი და თუ ბევრს ვერ მივცემთ ჩვენის სიღარიბისაგამო, ერთით მაინც ვანუგეშებთ: „ყველნი და ჰური—და კაი გულია— რაც შეეხება მეორეთ—თანამდებობის პირთ და მობეღეთ, ჩვენნი ისე ცოტანი არიან, რომ უადგილოა შიში, ვითომ ესენი ვერ შეინახოს თავისუფალმა ეკლესიას!

სახელმწიფოს საქმეებში ეკლესიის დამაგოგია და კოორიკალიზში, რამაც დასავლეთ საგელმწიფოებში ეკლესიის ჩამოშორება გამოიწვია, ჩვენს ეკლესიას თავის დღეში არც მიზნად ჰქონია, არც ფაქტიურად უწარმოებია. მაშასადამე, როცა იქ სახელმწიფო თავიდან იშორებდა ისეთ მორალურ ძალას, როგორც არის ეკლესია, პირველი მოკებაში რჩებოდა, რადგანაც თვით თავისუფლდებოდა





ეკლესიისა და მისი ხელმწიფობრივი ტენდენციებისაგან, მეორე კი წაგებული, რადგანაც გამოყოფის დღიდანვე ჰკარგავდა შემოებას გარეულიყო სახელმწიფოს საქმეებში. აქ კი წაგებული სახელმწიფო დარჩება, რადგანაც ის კავშირს ვასწყვეტს ისეთ ეკლესიასთან, რომელიც არამც თუ საკუთარ მიზნებისთვის არ ერგოდა სახელმწიფოს საქმეებში,— პირიქით უმთავრეს თავის ძალღონეს სახელმწიფოს მიზნების საზოგადოებაში განხორციელების აღევდა: იმ 22—25 მნეთის ნაცკლად კი, რომელიც მდგდელს ეძლეოდა თვეში მეტრიკულ აქტების წარმოებაში სახაზინო ჯამაგირის სახით, სახელმწიფო იძულებული გახდება ათჯერ ოცჯერ მეტი გაილოს, ვინაიდან თითოეულ უბანში, თითოეულ პატარა სოფელში უნდა დაწესდეს მთელი შტატი მოხელეთა ამავე მეტრიკაციისათვის რამდენს მოითხოვს და გააკეთებს თითოეული თანამედროვე მოხელე. ეს ყველამ კარგად ვიცით...

მაგრამ არის მეორე უფრო დადებითი და ნათელი მოვლენა, რომელიც ჩვენში—პატარა, მაგრამ კულტურულად ძლიერ ქვეყანაში უსაბუთოდ თან დაჰყვება ეკლესიის და სახელმწიფოს გატალკევებას. ეს გახლავთ ა) სახარებისებრივი „ვაჭართა განდევნა ტაძრიდან“ ან, პირდაპირ რომ ვთქვათ, სამღვდელოების შემთხვევლობის განწმენდა დასუფთავება იმ არა—სასულიერო და ანტი-ეკლესიურ ელემენტებისაგან, რომელიც ამ წრეში შემორიყა გაბატონებულმა სახელმწიფომ, და ბ) თავისუფალ ეკლესიის სამღვდელოების საზღვარგარეთისებურად ქონესრივი უზრუნველყოფა.

მაგრამ ამაზედ შემდეგს წერილში.

**მღვდ ილ. შუბლაძე.**

**მცირე განმარტება ფოთში განხრახნულ კურსების შესახებ.**

ფურნალ „ახალი სიტყვის“ მეოთხე №-ში მოთავსებულია ვიღაც „სორტელი სტუმრის“ შენიშვნა, რომელშიც ავტორი უადგილოდ და არა სასურველად სთვლის ფოთის საკათედრო ტაძართან სამღვდელო და სამედაგი-თნეო კანდიდატების მოსამზადებლად კურსების გახსნას, მე პირადად ვერ ამიხსნია, რით ხელმძღვანელობს ბ. „სორტელი სტუმარი“ ამ შემთხვევაში.

მართალია მისი ამაირი შეხედულება,

როგორც მისი წერილიდან სჩანს, გამოწვეულია იმით, რომ კურსებში „შესვლა შეუძლია ვიგინდარას“ (ხაზი ჩემია) რაც, მისი აზრით, შეტქმნის „კანდიდატთა ლაშქარს“, მაგრამ ეს დიდ საშიშროებას არ უნდა წარმოადგენდეს. უსაფუძლოა შიში, ვითომ კურსები გაამრავლებს უფარვის კანდიდატებს, რადგან კურსების დანიშნულება პირიქით იქნება, რომ იხსნას ეკლესია ამ უფარვის კანდიდატებისაგან.

როდისაც 1906 წელს ჩვენში ხალხს მიეცა მღვდელ-მედავითნეების არჩევის უფლება და ამის დებულება უნდა განეხილა და დაემტკიცებია საქართველო-იმერეთის სასინოდო კანტორას, ამ სტრიქონების დამწერმა განაცხადა, რომ თვითონ ჩვენ უნდა მივსცეთ ხალხს მომზადებული კანდიდატები და რომ ამისთვის საჭიროა კურსების დაარსება. იცით, ვინ იყო მაშინ იმნაირი აზრისა, როგორც ახლა ბრძანდება „სორტელი სტუმარი“? ეს იყო ექსარხოსი ნიკონი. რომელმაც რიხიანათ განაცხადა: „რათ გინდათ კანდიდატთა ლაშქარი, ეს ხომ თავისუფლების შეზღუდვა იქნება, ვინც უნდათ ის აირჩიონო“. ქკვიანმა სინოდის ინტერესების დამცველმა იცოდა, რასაც ამბობდა და რა მისთვის სასურველი შედეგი უნდა მოყოლოდა ამნაირ არჩევნების უფლებას. ექსარხოსმა ამით კიდევაც მიაღწია მიზანს, რადგანაც მომზადებულ კანდიდატთა უყოლობამ გაამრავლა უვიც მღვდელთა რიცხვი და თვით შეგნებული ნაწილი სამღვდელოებისა აამხედრა არჩევითი უფლების წინააღმდეგ. ისტორია მასწავლებელია და ძველი შეცდომები არ უნდა განვიმეოროთ.

ამისთვის მე პირადათ, როგორც იმ საბკოს თავმჯდომარეს, რომელსაც ავტორი უწუნებს მოქმედებას და კურსების გახსნის განზრახვას, ძალიან საჭიროთ მიმაჩნია რიგიანად მომზადებული „კანდიდატთა ლაშქრის“ გაჩენა ჩვენში. რაც მეტი იქნება, უკეთესია ეს იქნება ჩვენ წინმსვლელობის უტყუარი მაჩვენებელი. მაშინ ხალხს ექნება სია საკმაოდ მომზადებულ პირთა, რომელთაგან მას შეეძლება აირჩიოს თავისთვის მოძღვარ-მასწავლებლად სასურველი კანდიდატი. აქ ვოსტარგოვის კურსები მოსატანი არ არის და, ვგონებ, ამ საქმის ინიციატორა არც ვოსტარგოვის მიმართულებისაა, რაც „სორტელ სტუმარსაც“ უნდა სცოდნოდა, თუ მას იცნობს,





ძალიან კარგს ინებებდა ავტორი, რომ არ დაკმაყოფილიყო „ფრთხილად და მორიდებით“ მთელი ფოთის მხოლოდ „გონებით“ შემოვლით და თვითონ მობრძანებულიყო საქმის გასაგებათ. თვითონ მე შემედლო მეჩვენებია მისთვის პირი, რომელსაც შეუძლია ამ საქმის გაძღოლა- მაშინ მას არ მოუვიდოდა იმნაირი შეცდომა, რომ უკუეგდო და დაერღვია წერილის ბოლოში ის, რასაც სამართლიანად ბრძანებს იმავე წერილის პირველ ნახევარში.

აი რას ბრძანებს ავტორი წერილის პირველ ნახევარში:

„განათლებულ ქვეყანაში სამღვდელოდ ღირსეულად მომზადებულ პირებს სანთლით დაეძებენ, ვინაითგან აღზრდის მხრით და ეს იმედებს ამყარებენ მათზე ჩვენში კი, ვინ გნებავს, არ წააჩქონ (შეუფერებოდ მიმაჩნია) თ, არ წააჩქონ (შეუფერებოდ მიმაღამ სიტყვის ხმარება დიდ და წმიდა საიდუმლოზე მსჯელობის დროს. შენ. ჩემია) და ასე ღის ხარისხით არ შემოსონ! ეს რომ ექნ არ იყოს სარწმუნოებას ჩვენშიაც ფასი ყო მბოდა... არ ყოლა ჯობია ცუდი მღვდლის უგლას... და რათ გოკვირთ, რომ უთავო, გაწობარ-შეუგნებელი მღვდლის ხელში სარწმუნოება და თვით პიროვნებაც-მღვდელთ საზოგადოებად მიიჩნდეს ხალხს!..“

სრული კეშმარტებაა ამ სიტყვებში... ამაში მე დამარწმუნა იმ სამღვდელთ კანდიდატების გამოცდამ, რომელთაც ხალხი ირჩევს და რომელთა შესახებ თავიანთ ოქმში ხანდახან იმასაც კი ამბობს, რომ უკეთესი კანდიდატი ვერ ვიშოვეო. არ მესმის ამის შემდეგ, რამ აიძულა ავტორი გამოლაშქრებულიყო კურსების წინააღმდეგ თავის წერილის მეორე ნახევარში? რისთვის უნდა დაგვეგმონ იმისთვის, რომ შევეცადოთ ოღნავ მაინც წამალი დავლოთ აქ ჩვენს სატკივარს? მაშ გვებრძანოს ბ. „სორტელი სტუმარი“, რა საშუალებას უნდა მივმაროთ საჭიროების დასაკმაყოფილებლად? თუ ფოთში, სადაც მას ვერ აღმოუჩენია „ისეთი პირი, რომელიც ამ საქმეს გაუძღვება“, არ შეიძლება კურსების გახსნა, მაშინ სასურველია დაგვისახელოს ავტორმა სხვა უფრო მოხერხებული ადგილი ეპარქიაში, სადაც უკეთესი ხელმძღვანელი იშოვება და შეიძლება კურსების დაარსება.

ავტორს რომ ენებებია აქ ჩამობრძანება, იმასაც გავგებდა, რომ მოკლე ვადანი კურსები მხოლოდ მომენტის აუცილებელი მოთხოვნილების დასაკმაყოფილებლად არის გა-

წარახული, რის შემდეგ ეს კურსები, საბჭოს გარდაწყვეტილებით, უნდა გრძელდებოდეს საღვდლო კანდიდატთა თვის არა უნაკლებს სამის წლისა.

ისიც კარგი იქნებოდა, რასაკვირველია, რომ, „ყველა ვიგინდარას“ გამოზრდა-მომზიდება მოხერხებულიყო, მაგრამ ამის განხორციელება შეუძლებელია ვსცანიო და ამისთვის ჩვენ განზრახული გვაქვს შემოვიღოთ კურსები შემსვლელთათვის ერთნაირი განათლების ცენზიცი.

თუ ბ. „სორტელი სტუმარი“ მართლა, როგორც ამბობენ, მღვდელი ბრძანდება, ვითხოვთ მას მოგვაშველოს ამ კეთილ საქმეში თავისი გამოცდილება და გავვიწიოს დახმარება. მე დიდის მადლობით მივიღებ მის რჩევა-დარიგ ბას, თუ ის ამისთვის უკეთეს გზას გამოწახავს.

საჭყონდიდლო საბჭოს თავმჯდომარე.

### პ ი რ ი.

თბილისის ნოტარიუსს ბ. შაჭავაძისან იძერეთის მიტროპოლიტის ანტონ ქოთათელისადგან განცხადება.

ამით პატივი შექვს, ბ. ნოტარიუსო, გაცხადოთ, რომ 21 მარტს 1918 წ. ჩემგან გაეგზავნა ტფილისს ქართულ გაზეთის „ახალი სიტყვის“ რედაქციას წერილი, რომელშიაც იყო გამოხატული უშამდგომლობა ჩიმი აღნიშნულ რედაქციის წინაშე, მის რწმუნებულის მღ. ქრ. ციციშვილის პირით, გამოეჩინათ ფიზონომია და სხვ „ქინჭარის“ ფსევდონომით დამალულ ამ ჟურნალის თანამშრომლისა, უსინდისოთ რომ გადამასხა თავზე 1 ჩაფი ტალახი მე, ერთ-ერთს მოღვაწეს ავტოკეფალურ ეკლესიისას, რომლის დაბეჭვდასაც მე მოვიტხოვდა დასახელებულ ჟურნალის მორიგ ნომერში.

გიცხადებთ რა ზემოაღნიშნულზე, გთხოვთ, ბ. ნოტარიუსო, გამოუცხადოთ სარედაქციო კოლეგიას აღნიშნულ ჟურნალისას რწმუნებულის მღ. ქრ. ციციშვილის პირით, რომ 24 სიათში ამ წერილის პირის ჩაბარებიდან წარმოგიდგინოს თქვენ ჩემდა ჩასახსრებლად უკანვე, ჩემ წარმომადგენლის მიერ ხსენებული დედანი ჩემი წერილისა, რომელიც არ



აქმნა დაბეჭდილი ჟურნალ „ახალ სიტყვაში“ მიუხედავად ჩემი თხოვნისა და მოთხოვნისა.

ყველა ამაში და აგრეთვე დასახელებულ სარედაქციო კოლეგიისაგან შესაძლო მოცემულ პასუხში გთხოვთ სათანადო დამოწმებას ამ განცხადებისა და მის პირის წარმოდგენას, და აგრეთვე ნათხოვნ დამოწმების მიღებას ვანდობ ჩემს სიძეს ანატოლი ნიკოლაევიჩ რიდიგერს.

ნამდვილთან სწორია: მიტროპოლიტი ანტონ ქუთათელი.

1918 წლის 17 აპრილს.

**შენიშვნა რედაქციისაგან.**

ეს უცნაური წერილი რედაქციამ მიიღო ნოტარიუსის ბ. მაქავარიანისაგან ოცდა ხუთ აპრილს (ძველის სტილით). წერილს რაღაც გერმანული ულტიმატური ხასიათი აქვს „(24 აათში...“ და სხვა). ის წერილი, რომელზედაც არის ნათქვამი მიტროპოლიტ ანტონის განცხადებაში, მესამე ნომერში სხვა და სხვა მიზეზისა გამო ვერ დაიბეჭდა. დაიბეჭდა კი მეოთხე ნომერში, ბევრად ადრე, ვიდრე რედაქცია მიიღებდა სანოტარიუსო წესით წერილს მ. ანტონისაგან. წესილის შინაარსის და კალოს დაფასებას ანდობს „ახალ სიტყვის“ რედაქცია თავის მკითხველებს.

რედაქცია ხმა მალლა აცხადებს, რომ იგი მუდამ მზადაა პასუხი აგოს ყველაფერზე, რაც მის ოჯანოში იბეჭდება, თუ კი ვინმეს ხალისი არ შეუსუსტდება სიმართლის საბუთიანად გამოძედავენებისა.

**ხმა პროკინციიდან.**

მეტად ჩამაფიქრებელი ამბავი მოგვითხროს „ახალი სიტყვის“ მეოთხე ნუმერმა:—თურმე საკათოლიკოსო საბჭოს ზოგიერთი წევრები ამხედრებულან „ახალი სიტყვის“ და მისი თანამშრომლების წინააღმდეგ!... ეს მეტისმეტია, მეტი რომ არა ვსთქვათ!... არც ისეა საქმე, „ახალი სიტყვაში“ არ იცოდეს ვის რა პატივით მოპყრობა ხდებდა!... ხოლო ამა თუ იმ პირის საზოგადო ხასიათის მოქმედებას, თუ

კრიტიკის თვალთ შეხედა იმიტომ კი არა, რომ ვინმე დაამცროს, არამედ ქვეშაირების გამოსამქედებლად... ყოველ უმგვანო მოქმედებას უნდა გამოიხეურება... ვინც ეს ასე არ სწამს, მას „ახ. ს.“ ანგარიშს არ გაუწევს.

სიმართლეს ფართე გზა უნდა გაეხსნას, რომ ასი წლის ტყვეობიდან გამოხსნილი ჩვენი ეკლესია კვლავ ტყვეობაში არ ჩავარდეს, და უფრო საშიშ-სამარცხენო ტყვეობაში. (გვაქვს სახეში ხალხის ზურგის შექცევა ეკლესიისადმი). საეკლესიო ყანა არვის კერძო საკუთრებას არ შეადგენს, მია უმეტეს, იგი არავისი კერძოდ საჯიროთო მოედანი არ არის... მარწმუნე ერმა უნდა იცოდეს, რა სახისა და ზნის არის მისნი მწყემსნი.

სწორეთ ამ მიზანს ემსახურება „ახალი სიტყვა“... იგი არ ერიდება ნაკლულევანების აღნიშვნას, მაგრამ დიდს სიამოვნებით და უფრო მეტის ხალისითაც ქებას შეასხამს საქმე საქმესაც, რაც დღემდის თუ არ გაკეთებულა, უნდა გაკეთდეს აწი მაინც ასაღორძინებლად ტყვეობისგან ჩონჩხად ქცეულის ეკლესიისა, და ვინც მას გვერდელად და ცალი ყბით ემსახურება, ან ემსახურებოდა, მას „ახალი სიტყვა“ არ დაინდობს, ვინც გინდ არ იყოს რგი... ამის გამო მუქარით ნურავინ თავს უბრალოდ ნუ შეიწუხებს..

მეტად კულტურული გზა აღუჩვენია მეუფე ანტონ მიტროპოლიტს: მან მოითხოვა და „ახ. სიტყვაში“ თავის რწმუნებულს მიანდო სამართალში გაყვეს. ასე უნდა მოიქცეს ყველა ის, ვინც თავს შეურაცხყოფილად გრძნობს... მაგრამ ამასეი ხმა მალლა ვიტყვიო, რომ „ახ. სიტყვაში“ დღეს აღძრული სამედიატორო საქმე არავითარ ჩვეულებრივად არ უნდა ჩაუუჩიქდეს, თუ არ სურს რომელიმე მხარეს, თავის-თავს პატივი აყაროს.

**ხორბელი სტუმარი.**



# მოუშორებელი ჭირი.

მოგახსენებთ, ბლადოჩინთა ისტიტუტი ზიზ-ლით მოსაგონარია სამღვდელთა ცხორებაში. ბლადოჩინები, მცირე გამოჩაყლისით, ნამვილი სამკმობოთ, სათალ ღუმით თვლიდენ, როგორც რწმენებულ ეკლესიებს, ისე მათში მოსამსახურე პირებსაც. ნიკოლოზ მეორეს ტახტის დამხობასთან კი უცბაა შეიკრა ბლადოჩინების ტახტიც. გამოჩაყლის შეიღვენს ერთ დროს ხარაგულის არქეილად წოდებული მ. ერმალოზ ვეფხვაძე, რომელიც ჯერ კიდევ გმირულათ იცავს თავის პოზიციას და ძველებურათ ბლადოჩინობს. თუმცა წინეთ მ. ვეფხვაძე, ერთ ბლიაძესავით, რომელმაც დანის გულისათვის დასაკლავი ძროხა ზესხვანში აიყვანა, უბრალო რამეს გამოსაცხადებლათ წარა-მარა იბარებდა სამღვდელთა ხარაგოულში, თვითმპყრობელობის დამხობის შემდეგ მხოლოდ 27 აპრილს დაგვიბარა საოლქო აღ. კომიტ. წევრთა ასარჩევად. წინათ შემზადებულმა სამღვდელთა ერთმა ნაწილმა ვეფხვაძე კომიტეტში წვერათ გაიყვანა. ხოლო მეორე ნაწილმა ამაზე წერილობით პროტესტი განაცხადა საეპარქიო კომიტეტში და თან ოლქის ორად გაყოფა ითხოვა. კომიტეტმა ორივე განცხადება საფუძვლიანად იცნო და მ. კოსტანტინე ანთაძეს მიანდო ვეფხვაძის მაგიერი კაცის არჩევა და ოლქის გაყოფის საქმე. 29 მაისს მ. ანთაძემ სამღვდელთა დაიბარა სად. ძირულაში, მაგრამ ვეფხვაძემ და მისმა დამქაშებმა ასტეხეს ერთი აურ-ზაური, ლანძღვა-გინება და კრება ჩაშალეს. მალე ახალი საეპარქიო კომიტეტი შედგა. რომელშიაც ბევრი სხვანაირი, ზნეობისა და მიმართულობის ადამიანი მოყვას ვეფხვაძეზე შეტანილი პროტესტისა და ოლქი გაყოფის შესახებ ხარაგოულში (და არა ძირულაში 27 აპრილს სამღვდელთა დადგენების მებრ) მობრძანდა კომიტეტის ერთ-ერთი წევრი რომელმაც მხოლოდ რამოდენიმე არაპროტესტანტი მღვდელ-მედავითნე მოიხმო, ერთხანს მ. ვეფხვაძისას ისიამოვნა და შინ დაბრუნდა. ამ საარაკო გამოძიებელმა გააკადნიერა მ. ვეფხვაძე, რომ რიხიანად იმადის: სანამ ცო-

ცხალი ვარსაო: ქო კომიტეტიდან ვერაფერი მითხოვსო. გვეჯერა. ჩვენი სასულიერო მოღვაწეობის ხელში, აქამდის მაინც, სიმართლე ფეხით გათელილი იყო. ვეფხვაძეზე ათესი საჩივარი იყო, მრავალი საფუძვლიანი წერილი დაიბეჭდა მისი საქციელის შესახებ ქართულ გაზეთებში, მაგრამ ყველა უყურადღებოთ დარჩა. ის ბრძანდება თავის საბლადოჩინო ტახტზე და ყველასასე ეუბნება: „ახლა ბლადოჩინის მაგიერათ კომიტეტი მაგრამ მე, რასაკვირველია თამჯლომარე ვარ და საქმეც. მე მეკითხებაო საბლადოჩინო საქმეები, ეს შემოსავლის წყარო ვეფხვაძისა, მართლა მის ხელშია და არც არავინ ფიქრობს ჩამორთმევას, მაგრამ საოლქო კომიტეტი კი ჩვენში არ არსებობს და არც არავის ვეფხვაძე აურჩევია თავჯლომარეთ. ვეფხვაძე მართლა ძლიერ მოწადინებული იყო თამჯლომარეობის, მაგრამ ამის წინამდღაგი იყვენ კომ. წევრთა უმრავლესობა. ამით გახელებული ვეფხვაძე აღარაფერს კითხავს თავის „უმცროს“ ამხანაგებს და ეს მეორე წელიწადია კომიტეტიც თითონ არის და მისი თავმჯლომარეც. საქირო შემთხვევაში ის, ვიმეორებ სამღ. დადგენლებას წინააღმდეგ, თავის სატახტო ქალაქ ბელაგორში მართაფს კრებას განგებ თავის მორჩილ მღვდელ-მედავითნეებს იბარებს. მ. ვეფხვაძე სრულებით დროს ანგარიშს არ უწევს მაგრამ ვერ გაგვიგია, რა არის მიზანი მისი ჯალტობისა: თავმოყვარება, თუ სარგებლობა? პირველის რა მოგახსენოთ და მეორეც უსაფუძველო უნდა იყოს. საქევაო, რომ ვეფხვაძემ ბლადოჩინობის შემოსავლით აღრინდულათ სასახლეება აავოს და დიდკაცურათ იცხოვროს. ზარალი კი დიდმოაქვს მის თავგასულობას, რადგან მისი წყალობით სამღვდელთა ორ მოწინააღმდეგ ბანაკათ გაიყო და ერთმანეთის აღარაფერი ესმით ვიციოთ მ. ვეფხვაძეს მაგარი შუბლის კანი აქვს, ის ბევრს იცინებს ამ წერილის წაკითხვაზე და ამიტომ შემდეგი სიტყვებით მივმართავ ქუთათელ მიტროპოლიტ ანტონს და მის საბქოს: 1 შეიბრალოთ სამღვდელთა და თანახმ პირველი კომიტ. დადგენილებისა გაათავისუფლეთ ვეფხვაძე საოლქო კომიტ. წევრობისაგან, ხოლო საბლადო-





ჩინო საქმეები ჩააბარეთ კომიტეტს; 2, გაიყოს ხარაგაულის ოლქი ორად; 3, ჩამოერთვას ვეფხაძეს ღარიბი სამღველოების ზურგიდან აფცქვილ ფულგებით ნაყიდი ოქ. ჯვარი და კვერთხი საეკ. მუზეუმში შესანახათ ბნელი დროის მოსაგონებლათ 4, გადაიშინჯოს ვეფხვაძეზე შემოტანილი საჩივრები და გამოაშკარავდეს სიმართლე და სიმტყუნე. თუ ამის არ ინებებთ, მაშინო და ძმანო, დააკანონეთ ისევე ვეფხაძის ბლალაჩინათ დარჩენა; უნებლიეთ შევეგუებებით იმ აზრს, რომ ხსნა არსიდან არის, ის ჩვენთვის შოუშორებელი ქირია, როგორც წინეთ ფიქრობდა, ავუგებთ ძვირფას სასახლეს, მოვრთმევთ ახალ საჩუქრებს და ყოველ ნაირათ ვეცდებით ჩვენზე გული მოიბრუნოს და მოწყალე თვალით მოგვხედოს.

მღ. ს. ჭუმბურიძე.

### ქ ა რ ი ა კ ა.

19 მაისს ანჩისხატის ტაძარში მწირველი იყო პატრიარქ-კათოლიკოსი. თანამწირველები იყვნენ მღ. პაჩიკოვი, ბაკურაძე და დეკ. იოსილ გამრეკელოვი.

საკათოლიკოსო საბჭოს წარმოუდგინეს კათოლიკოსის პირად მდივნის დეკ. იოსებ ჩიჯავაძის მიერ შედგენილი ხარჯთ აღრიცხვა, რომლითაც მოითხოვდნ გადადებულიყო ყოველ თვიურად სამიათას—სამიათასი მანეთი კათოლიკოსის ცხენებისა, სახლისა და ბერების შესანახად. საბჭომ უსახსრობისა გამო ვერ დააკმაყოფილა ეს მოთხოვნილება.

კათოლიკოსს ეძლევა წლიურად ოცი ათასი მანეთი, ამას გარდა სექტემბრიდან მაისის ოცამდე საკათოლიკოსო სახლის შენახვაზე (ღვინო, შეშა, თივა და სხვ.) დახარჯულია

ოცდა სამი ათასი მანეთი (23.000 მ.) ცებს ასეთი ხელგაშლილობა, როდესაც საქირო საქმისათვის ვერ ვმოულობთ ფულსა.

28 მაისს ყოფილ სასინოდო კანტორის შენობაში მოხდა თბილისის სამღველოების და ყველა სამრევლო საბჭოების ერისკაც მწევრთა კრება ჯურნალ „ახალ სიტყვისათვის“ ნივთიერ დახმარების აღმოსაჩენად. კრებაზე დასწრება სთხოვეს ტფილელ მიტროპოლიტ ლეონიდს და ურბნელ ეპისკოპოსს დავითს, რომელნიც იმავე შენობაში სცხოვრობენ ამ ეჟად. კრებამ ერთხმად საქიროდ და სასარგებლოდ სცნო „ახალ სიტყვის“, როგორც არა ოფიციალურ ორგანოს, არსებობა და ამოიჩნია კომისია ჟურნალისათვის საქირო თანხის აღმოსაჩენად. კომისიაში შედიან: ბბ. ივანე რატიშვილი, ნიკოლოზ ქარახანაშვილი, დავით ნახუცრიშვილი, დეკანოზნი: ალექსი მიქელაძე და ანტონ თათიბაძე.

თბილისის პეტრე-პავლეს სასაფლაოს ეკლესიის სამრევლო საბჭომ ომიანობისგან დაზარალებულ გურულების სასარგებლოდ მაგროვა ნ39 მან. და 17 კაპ, რომელიც, შემომწირველთა სურვილის თანახმად, წარედგინა თბილელ მიტროპოლიტ ლეონიდეს დანიშნულებისამებრ გადასაცემად.

23 მაისს საკათოლიკოსო საბჭოს რვა წევრმა (12 დან) შეიტანა ამავე საბჭოში დასაბუთებული პროტესტი იმ თვითნებობის შესახებ, რომელიც გამეფებულია საბჭოში კათოლიკოსის მიერ. შინაარსს ამ საპროტესტო მოხსენებისას გავაცნობთ მკითხველებს შემდეგ.

გამომცემელი „ახალ სიტყვის“ სარედაქციო კოლლეგიის რწმუნებული მღ. ქრ. ციციქიშვილი.